

HULUR SUMBANGAN PUPUK SIFAT IHSAN, PRIHATIN



ANTARA sumbangan, berupa barangan keperluan harian dan makanan asasi yang dihulurkan oleh Kumpulan Belia Da'ie dan Belia Muallaf Asy-Syahadah melalui Program Belia Muallaf Prihatin dengan kerjasama Pusat Da'wah Islamiah (kiri dan kiri sekali).

Siaran Akhbar dan Foto : Pusat Da'wah Islamiah

BELAIT, Sabtu, 30 Oktober. - Kumpulan Belia Da'ie dan Berikutan penularan jangkitan Belia Muallaf Asy-Syahadah, wabak COVID-19, di negara ini, meneruskan lagi Program Belia

Muallaf Prihatin dengan kerjasama Pusat Da'wah Islamiah dengan berkunjung ke Daerah Belait, baru-baru ini. Seramai 14 individu menerima


sumbangan, berupa barangan keperluan harian dan makanan asasi, di kediaman masing-masing. Sumbangan berkenaan

diserahkan oleh beberapa Ahli Jawatankuasa Kumpulan Belia Da'ie dan Belia Muallaf Asy-Syahadah.

Objektif Belia Muallaf Prihatin ini adalah untuk membantu kerajaan dengan menghulurkan bantuan kepada beberapa individu yang terkesan akibat pandemik COVID-19.

Di samping itu, ia juga untuk memupuk sifat ihsan dan prihatin, dalam diri ahli-ahli kumpulan belia terhadap masalah yang dihadapi masyarakat sekeliling juga mempersiapkan para belia untuk menjadi da'ie yang berwibawa dan mempraktikkan metode dakwah yang bermutu dan berkesan.

Ujian mahupun musibah : Tanda kasih sayang Allah kepada hamba-Nya



TAZKIRAH Jumaat diadakan baru-baru ini, secara maya melalui aplikasi Zoom Meeting, anjuran Surau Maktab Teknik Sultan Saiful Rijal.

Berita dan Foto : Dk. Siti Redzaimi Pg. Haji Ahmad

BANDAR SERI BEGAWAN, Sabtu, 30 Oktober. - Setiap manusia yang beriman kepada Allah Subhanahu Wata'ala pasti mendapat ujian, mengikut tahap keimanan untuk melihat siapakah yang beriman atau sebaliknya. Ujian dan musibah adalah tanda kasih sayang Allah Subhanahu Wata'ala kepada hamba-hamba-Nya, semakin tinggi keimanan seseorang, semakin besar ujian yang Allah timpakan terhadap mereka. Demikian, antara kesimpulan Tazkirah Jumaat, bertajuk 'Menyantuni Musibah Sebagai

Nikmat', disampaikan oleh Pengarah Pusat Penataran Ilmu dan Bahasa, Universiti Islam Sultan Sharif Ali (UNISSA), Dr. Haji Hambali bin Haji Jailli. Menurutnya, persepsi manusia yang beranggapan nikmat sebagai tanda Allah Subhanahu Wata'ala sayang dan musibah adalah tanda murka adalah tidak tepat, bahkan sebaliknya boleh berlaku mengikut sejauh mana ketaatan telah dilaksanakan. "Setiap ujian dan musibah, jelasnya, sama ada akan menjadi kafarah dan penebus bagi dosa,

dan maksiat yang dilakukan atau meningkatkan kedudukan seorang hamba itu, di sisi Allah Subhanahu Wata'ala. "Semoga Allah Subhanahu Wata'ala menjadikan kita semua golongan hamba-Nya yang sentiasa sabar, reda dan menerima qada dan qadar Allah Subhanahu Wata'ala jua serta mendapat sebaik-baik ganjaran dunia dan akhirat," tambahnya. Tazkirah Jumaat tersebut diadakan baru-baru ini, secara maya melalui aplikasi Zoom Meeting, anjuran Surau Maktab Teknik Sultan Saiful Rijal (MTSSR).

Sumber : WHO #JadilahAktif #KesihatanDiRumah

www.moh.gov.bn